

Плястичный конкурс: «Ілюстрация до выбраного твору Мелянії Собин»

Організатор конкурсу: Стowаришыня «Руска Бурса» в Горлицях

1. Хто може взяти участ?
Діти до 9 рока жытя, якы вчат ся лемківського языка.
2. Ціли конкурсу:
 - познати діти з поезийом Мелянії Собин,
 - мотивувати діти до розвиваня плястичных здібности,
 - розвивати дітячу креативніст і імагінацію.
3. Присыланы работы мусят быти самодільні зробленыма творами, свобідна техніка (малюваны фарбами, кредками, вытинанка ітп.), розмір А4.
4. Єден участник може зголосити макс. єдну роботу. Працу треба підписати: подати мєно і назвиско, вік, школу, мєно опікуна, наголовок верша Мелянії Собин, до котрого односит ся работа.
5. Критеріи оціны: оригінальніст, згідніст з темом, естетика, композиция.
6. Організатор выберє три найліпшы работы, за котры признаны будут нагороды:
 - I місце: інтелігентный зыгарок
 - II місце: гуляйнога
 - III місце: комплет LEGO
7. Термін высыланя робіт: 27. листопада/нояембра 2020 р. (рішат дата почтовой печаткы). Адрес высылкы: Stowarzyszenie Ruska Bursa, ul. Sienkiewicza 28, 38-300 Gorlice.
8. Зголошыня творів до конкурсу є рівнозначне з освідчыньом, што сут то авторскы творы, і з переданьом згоды на перетворюваня і публикуваня особовых даных автора, опікуна та присланных прац на сайті lem.fm при інформації о результатах конкурсу.

Літературный конкурс: «Скарб мойой бабы/ мого діда»

Організатор конкурсу: Стowаришыня «Руска Бурса» в Горлицях

1. Хто може взяти участ?
Ученикы, якы вчат ся лемківського языка.
Конкурс поділений є на дві категорії:
 - I група: школяре в віку 10-12 років,
 - II група: школяре в віку 13-15 років.
2. Ціли конкурсу:
 - мотивувати діти розвивати знаня писати по лемківскы і розвивати літературны здібности,

- розвивати вражливість на красу писаного слова,
 - пропагувати потребу познання історії родини, своєю спадковини, традицій і обрядів ітп.
 - розвивати дітячу креативність і імагінацію.
3. Каждый участник присылает еден твір (може то быти байка, оповідання, сценка, верш, макс. на 3 стр. компютерового видруку А4, фонт 12 пкт), котрый є інтерпретацией темы конкурсу «Скарб мойой бабы/ мого діда».
 4. Твір треба підписати: подати мено і назвиско, вік, школу, мено опікуна. Мусит то быти самодільна робота, але дозволять ся выконати учительом языкову коректу.
 5. Твори, в форматі PDF, просиме присылати на майльовый адрес: sekretariat@ruskabursa.org в терміні до 30. листопада/ноября 2020 р.
 6. Організатор выберет три найліпшы работы, за котры признаны будут нагороды:
в категорії 10-12 років:
 - I місце: інтелігентный зыгарок або спортова опаска
 - II місце: безкабльовы слухавкы
 - III місце: флешка 128 ГБв категорії 13-15 років:
 - I місце: інтелігентный зыгарок або спортова опаска
 - II місце: безкабльовы слухавкы
 - III місце: флешка 128 ГБ
 7. Зголошыня творів до конкурсу є рівнозначне з освідчыньом, што сут то авторскы твори, і з переданьом згоды на перетворюваня і публикуваня особовых даных автора, опікуна та присланных прац на сайті lem.fm при інформації о результатах конкурсу.

Оба конкурсы будут розвязаны найпізнійше до 15. грудня/децембра 2020 р. Інформация про результаты буде публикувана на сайті www.lem.fm. Одбераня нагорід буде добесідуване індивідуальні. Як епідемічна ситуація на тото дозволит, то вшиткы плястичны твори найдут ся на выставі презентуваній в Рускій Бурсі в Горлицях, котрій товаришыл буде мінівернісаж з вручаньом нагорід.